

PRAVILNIK

O IZMJENAMA I DOPUNAMA PRAVILNIKA O JEDINSTVENOM INFORMACIONOM SISTEMU I OBRADI PODATAKA TEHNIČKIH PREGLEDA I REGISTRACIJE VOZILA

Član 1.

U članu 4. stav 1. iza alineje 1. Pravilnika o jedinstvenom informacionom sistemu i obradi podataka tehničkih pregleda i registracije vozila ("Službene novine Federacije BiH", broj 51/06) dodaje se nova alineja 2. koja glasi:

"- vizuelni snimak (fotografija) vozila koje se pregleda na tehnološkoj liniji stanice, pridružuje se podacima i dokumentaciji tehničkog pregleda tog vozila, memoriše i čuva 10 godina u elektronskom obliku,".

Dosadašnje alineje 2., 3., 4. i 5. postaju alineje 3., 4., 5. i 6.

Iza stava 1. dodaje se novi st. 2., 3. i 4. koji glase:

"Vizuelni snimak iz stava 1. alineja 2. ovog člana se obilježava neponovljivim nazivom koji u sebi sadržava i vrijeme snimka, podesnim putem može se pridružiti samo jednom tehničkom pregledu i upisuje se na podesno mjesto dokumenta kojim se potvrđuje tehnička ispravnost pregledanog vozila.

Opremu na kojoj se vrši prikupljanje podataka iz stava 1. alineje 2. ovog člana čine slijedeće komponente i uređaji:

- kamera, koja se postavlja na podesno mjesto na tehnološkoj liniji stanice i koja se može zakretati u horizontalnoj i vertikalnoj ravni radi fokusiranja vozila koje se ispituje;
- prekidač kojim se započinje snimanje, sa odgovarajućom indikacijom ispravnosti i uspješnosti snimka;
- monitor za posmatranje usmjerenosti kamere;
- radni računar na kojem se vrši memorisanje snimaka;
- uređaj za vezu sa serverom na kojem se prikupljaju i memorišu podaci jedinstvenog informatičkog sistema i računarom stanice;
- kablovi za napajanje i spajanje pojedinih uređaja.

Oprema iz stava 3. ovog člana daje se na upravljanje Stručnoj instituciji koja je jedina ovlaštena za postavljanje i mijenjanje komponenti radnog računara i ostalih uređaja iz stava 3. ovog člana. Logički pristup podacima snimljenim na uređaju iz alineje 4. stava 3. ovog člana imaju Stručna institucija, Stanica, Ministarstvo, druge institucije i organi iz člana 3. stav 2. ovog Pravilnika.

Stručna institucija će organizovati edukaciju i izdati stručnu publikaciju iz oblasti tehničkog pregleda vozila sa uputama za pravilno postupanje i rukovanje uređajima iz stava 3. ovog člana."

Član 2.

U članu 7. iza stava 1. dodaju se novi st. 2., 3., 4. i 5. koji glase:

"Stručna institucija može uz naknadu, na zahtjev zainteresiranih lica davati podatke dobijene kao rezultat statističke obrade podataka o obavljenim tehničkim pregledima i sl. Prije davanja podataka iz stava 1. ovog člana stručna institucija je obavezna zatražiti saglasnost Ministarstva za svaki pojedinačni zahtjev, čiju opravdanost cijeni Ministarstvo. U saglasnosti Ministarstvo određuje obim i način prezentiranja podataka.

Visinu naknade iz stava 2. ovog člana određuje ministar rješenjem kojim se daje saglasnost i ista se uplaćuje na račun Stručne institucije otvoren kod ABS banke d.d. Sarajevo, filijala Zenica, br. 1990510008145233. Iznos naknade za svaki pojedinačni slučaj ne može biti niži od 30.00 KM (tridesetkonvertibilnihmaraka) niti veći od 500,00 KM (petstotinakonvertibilnihmaraka).

Novčani dio u iznosu 20% uplaćene naknade iz stava 3. ovog člana, Stručna institucija narednog radnog dana uplaćuje na račun Budžeta Federacije BiH, otvoren kod UniCredit banke, broj 338-900-22115294-91 uz obavezno upisivanje vrste prihoda 722416."

Član 3.

Ovaj Pravilnik stupa na snagu osmog dana od dana objavljivanja u "Službenim novinama Federacije BiH".

Broj 06-02-1-184/09
9. februara 2009. godine
Sarajevo